

明南京戶部主事蕭用柯維

吳獵 項安世 李大性 劉甲

楊輔 安丙 楊巨源 趙方

賈涉

吳獵字德夫醴陵人登進士第初主潯州平南簿張栻
經略廣西檄攝靜江府教授劉煒代栻栻以獵薦辟本
司準備差遣盜卒接起陷諸州獵請明賞罰煒乃錄
林功誅南流縣尉鬱林巡檢人人驚厲爭死聞不踰時
盜悉就擒尉宰相王淮甥也獵坐降久之知無錫縣用

薦召試守正字光宗以疾久不覲重華宮獵上疏辭甚切陳傅良言過宮事不行求去獵責之曰何不奮發彊諫爲士夫倡潔身何益寧宗卽位遷校書郎除監察御史僞學禁興獵言侍講朱熹遽以御札畀祠中外惶駭謂事不出中書是謂亂政又駁史浩謚請張浚配享阜陵議皆不合出爲江西轉運判官尋劾罷久之黨禁弛起歷祕閣脩撰主管荆湖北路安撫司公事知江陵府時韓侂冑開邊江陵又告饑獵前後備禦振恤皆有法金人圍襄陽德安游騎迫竟陵命獵節制本路兵馬銀寶護閣待制京湖宣撫使金人再犯竟陵襄陽德安俱

西事募死士入竟陵命其將王宗廉死守調大軍及
義保捷分道夾擊金人遂去又督董達等援德安董世
雄孟宗政等解襄陽圍西事方殷獵爲討叛計請于朝
以王大才彭輅任西事仍分兵抗險要漕粟以待王師
及曦誅除刑部侍郎充四川宣諭使朝廷命旌別淑慝
以敷文閣學士四川安撫制置使兼知成都府嘉定六
年召還卒家無餘貲蜀人思其政畫像祠之獵初從張
栻學朱熹會栻于潭獵又親炙湖湘之學一出于正獵
實表率之有畏齋文集奏議六十卷謚文定

項安世字平父括蒼人後家江陵第進士召試除祕書
正字光宗以疾不過重華宮安世疏諫不報安世遺宰相
留正書求去尋遷校書郎寧宗卽位應詔言管夷吾
治齊諸葛亮治蜀立國之本不過曰量地以制賦量賦
以制用而已今天下之費最重而當省者兵也其次莫
如宮掖兵以待敵國常畏而不敢省宮掖以私一身常
愛而不忍省不敢省者事在他人不忍省者事在陛下
宮中旣省則外廷官吏四方州縣奔走不暇民生日蹙
國力日壯復祖宗之業雪神人之憤惟吾所爲矣特
遣召至闕未幾予祠安世率館職上書留之不報

言者劾去安世吳獵竝坐學禁久廢開禧用兵獵起荆渚起復安世知鄂州俄淮漢師潰薛叔似以怯懦爲侂冑所惡安世因貽侂冑書末曰偶送客至江頭飲竹光酒半醉書不成字侂冑大喜曰項平父乃爾閒暇遂除戶部員外郎湖廣總領會叔似罷金圍德安益急諸將無所屬安世不俟命徑遣兵解圍第諸將殺獲功以聞獵伐叔似爲宣撫使尋以宣諭使入蜀朝命安世權宣撫使又升太府卿有宣撫幕官上度者獵客也獵與安世素相友及安世招軍名項家軍多不逞好虜掠獵斬其爲首者安世憾之至是斬度於大別寺獵以聞安

世坐免後以直龍圖閣爲湖南轉運判官未上用臺章
奪職罷嘉定元年卒所著易玩辭他書多行于世

李大性字伯和端州人其先積中爲御史入元祐黨籍
始家豫章大性少力學以父任入官因參選進藝祖廟
謨百篇及公私利害百疏歷主管吏部架閣文字服闋
進典故辨疑百篇皆本朝故實蓋網羅百氏野史訂以
日歷寔錄核其正舛率有據依孝宗嘉之擢大理司直
遷工部郎紹熙中陳傅良言事去國彭龜年黃度楊
萬相繼皆去大性抗疏言不信仁賢則國空虛臣所爲
寒心也孝宗崩光宗疾未能執喪大性疏言今日之事

顛倒舛逆况金使祭奠常引見于北宮素帷不知是時
猶可以不出乎檀弓曰成人有兄死而不喪者聞子臯
將爲成宰遂爲衰成人曰兄則死而子臯爲之衰若陛
下必待使來然後執喪則恐貽譏中外豈特如成人而
已哉累遷戶部尚書開禧將用兵大性條陳利害忤韓
侂冑意出知平江移知福州又移知江陵充荆湖制置
使江陵當用兵後殘燬饑饉繼以疾疫大性首議振貸
凡三十八萬緡有奇前官虛羨十有四萬五千緡蠲放
不督流移復業者皆奏免征權江陵舊使銅錢重而楮
輕民持貨入市終日不得一錢大性奏乞依襄郢例通

用鐵錢於是泉貨流通民甚賴之遷至兵部尚書尋以
端明殿學士知平江府引疾勾祠卒于家年七十七贈
開府儀同三司謚文惠李氏自積中三世官于朝父子
兄弟相師友而大性與弟大異太東並躋從列爲名臣
云、

劉甲字師文摯之後家龍游登進士第累官寶謨閣待
制知江陵府湖北安撫使移知廬州程松爲四川宣撫
使吳曦副之以甲知興元府利東安撫使時曦獻四州
金金立爲蜀王甲在漢嘉未至鎮也松謀遁甲固
不可遂以便宜檄甲兼沿邊制置曦以書致甲甲緩大

之因臥疾曦又遣其弟牧邀甲相見甲叱而去
乃援顏真卿河北故事欲自拔歸朝先募二兵持帛書
賂參知政事李壁告變曦僭王位甲遂去官朝廷久乃
微聞曦反狀韓侂冑猶不之信甲奏至舉朝震駭壁袖
帛書進寧宗覽之稱忠臣者再召赴行在甲舟行至重
慶聞安丙等誅曦復還漢中上奏待罪詔趣還任楊巨
源既死軍情叵測除甲宣撫使未幾金自鵲嶺關劄金
崖進屯八里山甲分兵進守諸關截潼川戍兵駐饒風
以待之金人知有備引去侂冑誅拜甲寶謨閣學士賜
衣帶鞍馬自楊輔召歸西邊諸事朝論多於甲取決人

無知者明年罷宣撫司合利東西爲一帥治興元移甲
知潼川府後進寶謨閣學士知興元府利路安撫使節
制本路屯駐軍馬卒于官年七十三甲幼孤多難母病
割股以進生平常謂吾無他長惟足履實地晝所爲夜
必書之名曰自監有奏議十卷理宗詔謚清惠

楊輔字嗣勳遂寧人進士甲科召試館職除祕書省正
字遷校書郎出知眉州累遷戶部郎中總領四川財賦
升太府少卿利西安撫使吳挺病輔密白二府早擇人
以革世帥之弊又貽書四川制置立定言統制官
與乃吳氏腹心緩急不可令權軍竝從之歷敷文閣

學士知成都府兼本路安撫使韓侂胄決意用兵以
爲四川宣撫副使假以節制財利之權輔知曦有異
志貽書大臣言自昔兵帥與計臣不相統攝故總領有
難發覺察之權今所在皆受節制內憂不輕寧宗意輔
罷誅曦密詔授寶謨閣學士四川制置使許便宜從事
輔自以不習兵事且內郡無兵可用遷延兩月但爲去
計曦移輔知遂寧府輔遂以印授通判而去安丙謀誅
輔以輔有人望謂密詔自輔所來聞者皆信曦旣誅丙
趣輔還成都除四川宣撫使奏言臣以衰病軟懦而居
建元功者之上徒恐牽制敗事安丙才力強濟賞罰明

累乞以事任丙又論蜀中三帥惟武興事權特重故
今日之變乞並置兩帥分其營屯隸屬安丙奏乞兩
置撫分司朝廷察丙與輔異召輔赴闕議者謂蜀亂初
平輔未宜去乃復以爲制置使兼知成都府再被召踰
年不進上召益堅著作佐郎楊簡言輔嘗棄成都不當
除兵部尚書兼侍讀以龍圖閣學士知建康府兼
江蘇制置使卒于官諡莊惠

丙字子文廣安人第進士調大足縣主簿秩滿
利病言皆剴切歷知大安軍開禧二年邊事
爲四川宣撫使吳曦劄之丙陳十可憂於松

馬松言曦必誤國松不省蓋丙嘗爲其父客素知曦而曦奏丙爲隨軍轉運曦隨叛受金詔稱蜀王改興州爲興德府以丙爲中大夫丞相長史權行都省事丙度徒死無益陽與而陰圖之遂與楊巨源李好義等誅曦請見巨源好義傳曦僭位凡四十一日丙陳曦所以反及矯制平賊便宜賞功狀自劾待罪朝廷初聞變莫知所爲亟召問知鎮江府宇文紹節對曰安丙非附逆者必能討賊乃密降帛書令圖曦帛書未至露布已聞上下動色交慶加丙端明殿學士中大夫知興州安撫使兼四川宣撫副使詔獎諭恩數視執政巨源愬功于朝

語見巨源傳於是丙拜疏勾聞金人揭示境上得丙首
者與銀絹二萬匹兩卽授丙四州宣撫時方議和丙獨
形飭將士恫疑虛喝以攻爲守威聲甚著詔以蜀平遣
吳玠撫諭四川時沿邊關隘悉爲金毀丙遺時相書論
遷事又請于朝以沔州都統司所統十軍權太重故自
吳玠至挺曦皆有尾大不掉之憂乃請分置副都統制
各不相隸以前右中左後五軍隸都統司踏白摧鋒選
鋒策鋒遊奕五軍隸副司詔皆從之金人和意未決上
手書賜丙當激勵將士戮力赴功侂冑旣讎進丙資
殿學士和議成還太徽隔牙關丙分遣僚吏經量津

元大安民田別定租稅嘉定二年丞相史彌遠起復
丙移書曰昔仁宗起復富鄭公文潞公孝宗起復蔣丞
相皆力辭名教所係人言可畏論者韙之升大學士四
川制置大使兼知興元府諜知金人遷汴關輔豪傑款
塞願降者衆丙以爲此正冉閔告晉之時乃與宰臣書
謂當興問罪之師朝論憂丙輕舉乃詔益脩守備七年
春丙使所愛吏安蕃何九齡合官軍夜襲秦州敗歸西
州都統王大才執九齡等七人斬之而訟丙于朝三月
詔丙同知樞密院事兼太子賓客手書召之未至進觀
文殿學士知潭州湖廣安撫使政尚嚴酷數被論乃授

崇信軍節度使開府儀同三司萬壽觀使賜旌節金印
衣帶鞍馬三辭還蜀董居誼帥蜀大失士心金人乘之
破赤丹黃牛堡入武休關直擣梁澤至大安宋師所至
輒潰散入巴山十二年以聶子述爲四川制置使代丙
時丙子癸仲知果州子述檄兼叅議官四月紅巾賊張
福莫簡叛入利州子述遁去總領財賦楊九鼎爲賊所
殺子述退保劔門檄癸仲兼節制軍馬任討賊之責癸
仲召戎帥張威等軍來會賊自閬趨遂寧所過無不殘
滅丙欲自持十萬緡偕子述往益昌募士子述曰太
重

非特重首未可輕出丙遂如果州時四川大震甚於

趙方首奏勳望如丙今猶可用魏了翁移書寧
謂安丙不起則賊未卽平雖賊亦曰須安相公作宣撫
事乃定耳李壁李璣時鎮潼遂亦皆以國事勉丙五月
詔起丙四川宣撫使予便宣尋降制授保寧軍節度使
兼知興元府利東安撫使丙奏自古及今謗以疑間而
成禍以忌嫉而得尤臣已傷弓於既往豈容不懲沸於
方來詔曰昔唐太宗以西寇未平詔起李靖慷慨請行
不以老疾爲解代宗有朔方之難圖任郭子儀聞命引
兵亦不以讒惑自疑勉圖雋功以濟國事尋命丁煇改
知興元府丙至遂寧賊猶負固于普州之茗山丙下令